

KJKP „VODOVOD I KANALIZACIJA“ d.o.o. SARAJEVO
v.d.DIREKTOR
Izvod broj: KZ 27/20

Sarajevo, 14.12.2020. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 27/20 od 24.06.2020. godine, u postupku javne nabavke br. **KZ 27/20 „Servisiranje vozila Renault u garantnom roku“** donosi se :

O D L U K A

o poništenju postupka javne nabavke

Član 1.

Poništava se Odluka o izboru br: KZ 27/20 od 24.08.2020. godine, najpovoljnijeg ponuđača: „VOLVO“ d.o.o. Sarajevo u predmetnom postupku br.KZ 27/20 za nabavku usluga: „Servisiranje vozila Renault u garantnom roku“

Član 2.

Poništava se postupak javne nabavke broj **KZ 27/20** za nabavku usluga : „**Servisiranje vozila Renault u garantnom roku**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) Zakona o javnim nabavkama.

Član 3.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 27/20 od 15.05.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost predmetne javne nabavke bez PDV-a iznosi: 36.000,00 KM.

Obavještenje o nabavci broj: 247-7-2-42-3-167/20 poslato je na objavljivanje na Portal javnih nabavki dana 22.05.2020. godine.

Komisija za javnu nabavku imenovana je Rješenjem br. 01/20 od 07.01.2020. godine i dopunskim Rješenjem za promjenljive članove komisije br. KZ 27/20-1 od 15.05.2020. godine.

Komisija za javnu nabavku dostavila je dana 24.06.2020. godine Preporuku o poništenju postupka javne nabavke usluga: „Servisiranje vozila Renault u garantnom roku“ – tender broj KZ 27/20 .

Komisija za javnu nabavku je sačinila odgovarajuće zapisnike u kojima je utvrđeno sljedeće:

1. - Da je ukupan broj pristiglih ponuda : 1 (jedna) ponuda – „VOLVO“ d.o.o. Sarajevo

;

1. - Da je blagovremeno zaprimljeno : 1 (jedna) ponuda – „VOLVO“ d.o.o. Sarajevo;

-Da nije bilo neblagovremeno zaprimljenih ponuda;

Pregledom ponude ponuđača „VOLVO“ d.o.o. Sarajevo, konstatovano je da navedeni ponuđač nije postupio u skladu sa postavljenim tenderskim uslovima u pogledu numeracije ponude.

Naime, ponuđač „VOLVO“ d.o.o. Sarajevo je numerisao listove ponude zaključno sa brojem 9., zatim sljedeća dva lista ponude nisu numerisana te je nastavljeno sa numeracijom listova ponude sljedećim rednim brojem zaključno sa brojem 19. te naredna dva lista nisu numerisana, potom je nastavljeno numerisanje zaključno sa brojem 41. dok zadnja dva lista ponude nisu numerisana.

Komisija konstatuje da navedeni ponuđač nije izvršio numeraciju svoje ponude na način kako je to definisano tačkom 17.1.3 tenderske dokumentacije „Numerisanje ponude“. Navedenom tačkom tenderske dokumentacije je jasno i precizno definisano da se stranice ponude označavaju na način da je vidljiv redni broj stranice.

Način na koji je ponuđač „VOLVO“ d.o.o. Sarajevo izvršio numeraciju se ne može smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji iz razloga što nije obezbijeden kontinuitet u numerisanju dok zadnja dva lista ponude nisu nikako numerisana. Numeracija stranica ponude je i zakonska obaveza propisana odredbama člana 58. stav (2) Zakona o javnim nabavkama, kao i članom 8. Uputstva za pripremu modela tenderske dokumentacije i ponuda („Sl. glasnik BiH“, broj 90/14, 20/15)

Komisija konstatuje da ponuđač „VOLVO“ d.o.o. Sarajevo nije postupio u skladu sa postavljenim tenderskim zahtjevima u pogledu pripreme ponude - numeracije ponude, te se ponuda ovog ponuđača u skladu sa odredbama člana 68. stav (4) pod i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Međutim, Uprava preduzeća je odbila prijedlog Preporuke Komisije za Javne nabavke od 24.06.2020. godine i donijela Odluku broj: 07-08-01/20 od. 07.08.2020. godine kojom je dala saglasnost za nastavak postupka iz razloga što što smatra da navedeni razlog za odbijanje ponuđača „VOLVO“ d.o.o. Sarajevo, ne utiče na bitnost ponude jer se cijena i ukupan iznos ne mijenjaju.

Također se smara da navedeni propust/greška bitno ne udaljava od zahtjeva utvrđenih u tenderskoj dokumentaciji te da nije takve prirode da bi se ponuda navedenog ponuđača odbacila, te imajući u vidu i značaj predmeta nabavke za obavljanje funkcije preduzeća.

U skladu sa gore navedenom odlukom Uprave preduzeća, donesena je Odluka o izboru najpovoljnijeg ponuđača te je ista dana 24. 8. 2020 godine dostavljena najpovoljnijem ponuđaču „Volvo“ d.o.o. Sarajevo.

U skladu sa tenderskom dokumentacijom, izabrani ponuđač je bio dužan da u roku od 5 dana od dana zaprimanja obavještenja o rezultatu postupka nabavke, dostavi zahtjevanu kvalifikacionu dokumentaciju, koja je uslov za zaključivanje ugovora.

Krajnji rok za dostavu kvalifikacione dokumentacije je bio do 29.08.2020.godine.

Ponuđač „Volvo“ d.o.o. Sarajevo je u okviru svoje ponude dostavio sljedeću kvalifikacionu dokumentaciju:

1. Uvjerenje Općinskog suda u Sarajevu, broj: 65 0 Kr 006669 20 od 12. 6. 2020 godine kojim se dokazuje da u krivičnom postupku protiv navedenog ponuđača nije izrečena pravosnažna presuda kojom je osuđeno za krivično djelo učešća u kriminalnoj organizaciji za korupciju, prevaru ili pranje novca, a sve u smislu člana 45. Stav 2. tačka a. ZJN.
2. Uvjerenje Općinskog suda u Sarajevu, broj: 065-0-R-20-001208 od 12. 6. 2020 godine kojim se dokazuje da ponuđač nije pod stečajem niti je predmet stečajnog postupka, nije predmet postupka likvidacije odnosno nije u postupku obnavljanja poslovne djelatnosti, u smislu člana 45. Stav 2. Tačka b. ZJN.
3. Uvjerenje izdato od Federalnog ministarstva finansija (Porezna uprava Federacije BiH – Kantonalni porezni ured Sarajevo) broj: 13-9/5-12-5-2402-1/20 od 11. 6. 2020 godine kojim se utvrđuje da ponuđač nema neizmirenih obaveza po osnovu prijavljenih doprinosa za penzijsko-invalidsko osiguranje, zdravstveno osiguranje i osiguranje od nezaposlenosti.

Izabrani ponuđač je iskoristio zakonsku mogućnost i dostavio preostalu zahtjevanu kvalifikacionu dokumentaciju u predviđenom roku i to:

1. Uvjerenje izdato od Uprave za indirektno-neizravno oporezivanje BiH broj: 02/6/II-16-11-20-4413/20 od 15. 6. 2020 godine kojim se potvrđuje da ponuđač nema dospjelih, a neizmirenih obaveza po osnovu indirektnih poreza, ostalih prihoda i taksi.
2. Uvjerenje izdato od Suda Bosne i Hercegovine broj: Su: 03-6393/20 od 26. 8. 2020 godine kojim se potvrđuje da ponuđaču nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca pred Sudom BiH, a sve u smislu člana 45. Stav 2. tačka a. ZJN.

S obzirom da Uprava preduzeća nije prihvatila preporuku Komisije o poništenju postupka, ista nije nadležna za pregled i ocjenu dostavljene kvalifikacione dokumentacije.

Imajući u vidu gore navedeno neophodno je da Uprava preduzeća donese odluku o prihvatljivosti/neprihvatljivosti dostavljenih dokumenata te time i načinu okončanja postupka nabavke.

Uz napomenu da je tenderskom dokumentacijom definisano sljedeće:

„Dokazi koje je dužan dostaviti izabrani ponuđač moraju potvrditi da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti na protokol ugovornog organa na adresi Terezija br. 38, a u roku od 5 dana od dana zaprimanja obavještenja o rezultatima ovog postupka javne nabavke.

Dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.“

U konkretnom slučaju Uvjerenje izdato od Suda Bosne i Hercegovine je mlađeg datuma od datuma predaje ponude (ponuda predata dana 22. 6. 2020 godine, a datum izdavanja uvjerenja 26. 8. 2020 godine) ali u istom nisu navedene činjenice o stanju ponuđača na dan dostavljanja ponude te time dostavljeno uvjerenje nije u skladu sa tenderskom dokumentacijom. (gore navedeno).

Obzirom da Uprava preduzeća nije dala saglasnost za nastavak postupka nakon obavještenja o dostavljenoj kvalifikacionoj dokumentaciji, na osnovu navedenog konstatovano je da ponuda ponuđača „VOLVO“ d.o.o. Sarajevo, se odbacuje kao neprihvatljiva, a sve u skladu sa članom 68. stav (1) ZJN.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. pod d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku usluga : „**Servisiranje vozila Renault u garantnom roku**“ – tender broj **KZ 27/20** donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-ponuđaču
- a/a



v.d.Direktor

Adnan Hodžić, dipl.ing.maš.